

*LE CHAPITRE DE LA LUMIERE*  
*contenant soixante & quatorze versets,*  
*escriit à la Medine.*

**A**V nom de Dieu clement & misericordieux. Nous auons enuoyé ce chapitre contenant nos commandemens clairs & intelligibles, peut-estre que vous les comprendrez; Le concubin & la concubine seront flagellez de cent coups de fouët, prenez garde que la clemence ne vous fassent oublier les preceptes de la loy de Dieu, croyez en sa diuine Majesté & au iour du Jugement, quelques-uns des vray croyans seront tesmoins de leur chastiment: le concubin couche avec la concubine ou l'infidelle, la concubine couche avec le concubin ou infidelle, ces choses sont deffenduës aux vray-croyans. Celuy qui accusera vne honneste femme d'adultere sera flagellé de quatre-vingts coups de fouët, s'il ne preuue son accusation par quatre tesmoins, & ne fera iamais crû en tesmoignage. Ceux qui font telle chose, sont hors l'obeissance de Dieu, excepté ceux qui se conuertissent & qui satisfont à ce qu'ils doiuent, Dieu leur sera clement & misericordieux. Ceux qui accuseront leurs femmes d'adultere, & n'auront point de tesmoins, iureront quatre fois qu'ils disent la verité, & diront la cin-

*Voy Ge-  
laldin.*

*C'est Ab-  
dalia bin  
Selouk.*

*Vne des  
femmes de  
Mahomet  
nommee  
Aiche fut  
accusée  
d'adultere  
avec Sa-  
fohan par  
les enne-  
mis de  
Mahomet*

quième fois, que la malediction de Dieu soit sur eux s'ils sont menteurs. La femme sera exempte de punition si elle iure quatre fois, que son mary est menteur, & si la cinquième fois elle prie que la colere & l'indignation de Dieu soit sur elle si ce que dit son mary est veritable, Dieu vous gratifie en cette façon pour faire cognoistre la verité, il est tres-clement & tres-sage. Cette troupe qui s'est destachée des vray croyas avec mensonge & faux témoignage ne vous a point fait de mal, au contraire, elle vous a fait du bien, chacun portera le fardeau de ses pechez, le plus malicieux d'entr'eux sera precipité dans les tourmens de l'Enfer; C'a esté vn bon-heur que vous ayez oüy le sentiment des fidelles par leur propre bouche, lors qu'ils ont dit que ces gens mentoient impudemment, s'ils n'eussent presenté ces quatre tesmoins, ils n'en auroient point trouué d'autres, ils sont des menteurs sans la grace & la misericorde de Dieu ils auroient desia resseny de grands tourmens en ce monde & en l'autre à cause de leur imposture: Lors qu'ils ont parlé de ce qu'ils ne sçauoient pas, vous auez estimé que ce n'estoit rien, mais c'est vn tres-grand peché deuant Dieu, si lors que vous l'auiez oüy, vous auez dit que ce n'est pas à vous de parler de ces choses, vous auez cognu que c'estoit vne grande imposture, Dieu vous defend de residiuer si vous croyez en sa loy, il vous declare ainsi ses volontez, il sçait tout & est tres-prudent; Ceux qui desirent jeter la medifance entre

les vray-croyans seront rigoureusement chastiez en ce monde & en l'autre, Dieu sçait ce que vous ne sçavez pas; si Dieu ne vous eust gratifié, il vous auroit chastiez en flagrant delit, il est clement & misericordieux. O vous qui estes vray-croyans, ne suivez pas les vestiges du Diable, il vous commandera le vice & le peché, si Dieu ne vous eust gratifié de sa misericorde personne d'entre-vous ne se seroit purgé de cette imposture, mais Dieu purifie qui bon luy semble, il entend tout & sçait toutes vos intentions. Les plus riches & les plus puissans d'entre-vous n'ont pas iuré de ne point faire de bien à leurs parens, ny aux pauvres, ny à ceux qui combattent pour la loy de Dieu, neantmoins il ne leur en font point, & les fuyent, ne desirent-il pas que Dieu leur pardonne? il n'est doux & clement qu'enuers les vray-croyans. Ceux qui accusent d'impudicité les femmes chastes, innocentes & fidelles, seront maudits en ce monde, & ressentiront de grands tourmens au iour que leurs langues, leurs mains, & leurs pieds tesmoigneront contr'eux, en mesme temps Dieu leur payera ce qui leur sera deub sans injustice, & cognoistront que Dieu est la verité mesme. Les meschantes femmes parleront comme les meschans hommes, & les meschans hommes comme les meschantes femmes, les bonnes parleront comme les bons, & les bons comme les bonnes, les bons sont innocens de l'imposture des meschants, ils iouïront de la grace de Dieu & des tresors du Pa-

radis. O vous qui estes vray-croyans, n'entrez pas dans les maisons d'autrui sans permission, si vous saliez ceux qui y habitent vous ferez bien, peut-estre que vous vous en souviendrez, si vous ne treuvez personne de la maison ny entrez pas sans permission, si on vous dit de vous en retourner, vous vous en retournerez, cela est plus à propos ( que de demeurer à la porte, ) Dieu void tout ce que vous faites, vous n'offenserez pas Dieu d'entrer dans les maisons inhabitées si vous y avez affaire, Dieu sçait toutes vos intentions ; Dis aux vray-croyans qu'ils contiennent leur veüe, qu'ils soient chastes qu'ils feront bien, & que Dieu sçait tout ce qu'ils font, Dis aux femmes vray-croyantes qu'elles contiennent leur veüe, & qu'elles soient chastes, quelles ne fassent rien voir de leur beauté que ce qui doit paroistre, qu'elles couvrent leur gorge & leur visage, & qu'elles ne les fassent paroistre qu'à leur mary, à leurs enfans, aux enfans de leur mary, à leurs freres, à leurs neveux, à leurs sœurs, à leurs femmes & filles, seruautes & esclaves, à leurs domestiques qui ne sont pas capables de mariage, aux enfans qui ne prennent pas garde à la beauté des femmes, & qu'elles ne remuent pas les pieds pour monstres quelles sont bien chauffées. Demandez pardon à Dieu, peut-estre que vous serez bien-heureux, espousez les filles de vostre Religion, filles de gens de bien, ou vos esclaves, si elles sont pures Dieu les en richira de sa grace, il est tres-liberal & sçait tout. Ceux qui

n'ont pas le moyen de se marier, viuront chastement iusques à ce que Dieu leur en ait donné les moyens: Ceux qui se voudront marier avec leurs esclaves pourront passer vn contract de mariage, s'ils les cognoissent sages, & leur feront part du bien que Dieu leur aura donné, ne mesprisez pas vos femmes qui sont chastes pour paillarder, si vous desirez auoir du bien en ce monde, si vous les mesprisez, Dieu leur sera propice & misericordieux, Nous vous auons enuoyé ces preceptes clairs & intelligibles, semblables à ceux qui ont esté enseignez à vos predecesseurs pour estre preschez aux gens de bien, Dieu esclaire le Ciel & la Terre comme la lampe qui est dans le fanal de cristal allumée d'huyle d'oliuier beny; Elle semble vne estoille pleine de lumiere qui ne va ny en Ponant ny en Levant, & rend clairté sur clairté, Dieu conduit par sa lumiere qui bon luy semble, il enseigne les paraboles à son peuple, & sçait tout, il vous permet de le louer dans vos maisons, de vous y souuenir de son nom, & de l'y exalter le soir & le matin. O hommes, vos affaires ne vous doiuent pas empescher de vous souuenir de la diuine Majesté, de faire vos prieres au temps ordonné, ny de payer les decimes, craignez le iour que les cœurs des hommes seront agitez, & que leur veüe sera troublée, que Dieu recompensera & chastiera chacun selon ses ceuures, & augmentera sa grace sur les bons, il enrichy de ses bien-faits sans compte qui bon luy semble. Les bonnes ceuures

des infidelles sont semblables aux brouillards qui sont dans vne grande plaine, ils semblent de l'eau lors qu'on en est esloigné, & lors qu'on s'en approche on n'y trouue rien; ils trouueront deuant Dieu le liure où est escrit tout ce qu'ils ont fait, il les chastiera selon leurs demerites, il est exact à faire compte; Leurs actions sont encore semblables aux tenebres qui sont dans le fond de la mer, elles sont couuertes d'onde sur onde, d'obscurité & de tenebres l'une sur l'autre, celuy qui est dans ces tenebres ne peut pas voir sa main, celuy qui ne sera pas éclairé de Dieu ne verra goutte. Ne voids-tu pas que tout ce qui est au Ciel & en la Terre exalte la gloire de Dieu; Les oyseaux estendent leurs ailles deuant luy pour le louer, il entend les prieres de toutes les creatures, & sçait les louanges qu'elles luy donnēt, il sçait tout ce qu'elles font, il est Roy du Ciel & de la Terre, il est le refuge de tout le monde: Ne voids-tu pas qu'il assemble les nuës? qu'il les met l'une sur l'autre? ne considere-tu pas que la pluye tombe par leurs ouuertures? & que Dieu fait descendre l'eau fraische des montagnes? il l'a donnée à qui bon luy semble, il fait approcher des hommes la lueur des esclairs qui esblouit leur veuë, & renuerse la nuit sur le iour; Ces choses sont signes de sa toute-Puissance à ceux qui les considerent; Il a créé d'un peu d'eau toute sorte d'animaux, les vns rampent sur la terre, les autres marchent sur deux pieds, & les autres sur quatre, il crée ce qu'il veut, il est tout-Puissant. Cer-

tainement

rainement il a enuoyé vne loy claire & intelligible pour conduire au droict chemin qui bon luy semblera ; Les infidelles disent, Nous croyons en Dieu & en son Prophete , neantmoins vne partie d'entr'eux abandonne sa loy & ne croit pas en sa diuine Majesté, lors qu'on les appelle deuant Dieu & deuant le Prophete pour iuger leur differents, plusieurs d'entr'eux refusent d'y venir, s'ils y viennent c'est avec mespris ; Ils ont vn grand mal de cœur, craignent-ils que Dieu & son Prophete leur fasse injustice ? au contraire, ils sont eux-mesmes des injustes. Lors que les vray-croyans sont appelez deuant Dieu & deuant le Prophete pour estre iugez, ils disent, nous auons ouy & obey ; ils ne sont pas des ignorans. Ceux qui obeiront à Dieu, & à son Prophete seront bien-heureux. Plusieurs iurent de combattre genereusement pour la foy lors qu'ils seront commandez de marcher contre les ennemis ; Dis leur, ne iurez pas, l'obeissance que vous rendrez au Prophete sera preferée à vos sermens, Dieu sçait tout ce que vous faites ; Dis leur, obeïssiez à Dieu, & à son Prophete, s'ils son desobeïssans, ils porteront leur fardeau, & vous porterez le vostre, si vous obeïssiez vous suiurez le droict chemin. Le Prophe-te n'est obligé qu'à vous prescher intelligiblement ; Dieu promet aux vray-croyans qui feront de bonnes ceuures, qu'ils viuent longuement sur la terre, comme il l'a promis à ceux qui les ont precedez, afin qu'ils establistent la loy qu'il leur a donnée, il

changera leur peur en assurance, il les deliurera de crainte afin qu'ils l'adorent seul sans compagnon; celuy qui sera impie sortira de l'obeissance qu'il doit à Dieu; Faites vos prieres au temps ordonné, payez les decimes, & obeissez au Prophete, Dieu vous donnera sa misericorde; Ne croyez pas que les infidelles soient plus puiffans en terre que nous, ils seront tous precipitez dedans le feu d'Enfer. O vous qui estes vray croyans, vos esclaves & vos seruiteurs de libre condition vous demanderont permission d'entrer où vous serez en trois temps, sçauoir auant l'oraïson de l'aube du iour, apres midy, & apres souper, ils n'offenseront pas d'entrer sans permission où vous serez en autre temps, ils y entrent pour vous seruir. Ainsi Dieu vous enseigne ses commandemens, il cognoit l'humeur de ses creatures, & est tres-prudent en tout ce qu'il ordonne. Il est ordonné à vos enfans lors qu'ils seront en aage de discretion de vous demander permission de ce qu'ils voudront faire comme ont fait ceux qui vous ont precedez; Ainsi Dieu vous enseigne ses commandemens, il est clement & misericordieux. Les femmes vieilles & decrepites n'offenseront pas Dieu de quitter leurs voiles, & de decouurir leurs visages, pourueu que ce soit sans vanité, & sans dessein de faire paroistre leurs ornemens, si elles s'en abstiennent, elles feront bien, Dieu entend tout ce que vous dites, & sçait tout ce qui est en vos cœurs. L'aveugle, l'estropié, le malade & vous aussi, ne pecherez pas de

manger dans la maison de vos enfans, chez vos pe- *Voy Kirab*  
 re & mere, freres, sœurs, oncles, tantes, amis, & *el tenoir.*  
 chez vos seruiteurs, vous n'offenserez pas Dieu si  
 vous mangez ensemble ou separement, lors que  
 vous entretenez en quelque maison entre sauez vous  
 de la part de Dieu avec benediction & affection:  
 Ainsi Dieu vous enseigne les commandemens,  
 peut-estre que vous les comprendrez. Lors que  
 ceux qui croyent en Dieu & en son Prophete, ont  
 esté assemblez auprez du Prophete, ils ne s'en sont  
 pas retirez sans la permission. Ceux qui ont de-  
 mandé congé croyent en Dieu & en son Prophete;  
 s'ils te demandent congé pour quelque affaire, li-  
 cencie qui bon te semblera, & prie Dieu pour eux, il  
 est clement & misericordieux. N'appellez pas le *V. Kirab*  
 Prophete comme vous vous appelez les vns les au- *el tenoir.*  
 tres entre vous, Dieu cognoit ceux qui sortent hon-  
 teusement du ( Temple & de la tranchée ) ceux qui  
 desobeissent à ses commandemens doivent pren-  
 dre garde qu'il ne leur arriue quelque mal-heur, &  
 qu'ils ne ressentent de grands tourmens. tout ce qui  
 est aux Cieux & en la terre est à Dieu, ( il cognoit si *Voy Ge-*  
 vous esteszelez en vostre foy, ou si vous estes des hi- *laldin.*  
 pocrites ) il sçait le iour auquel tout le monde sera  
 assemble deuant luy ( pour estre jugé, ) ce iour il fera  
 voir aux hommes ce qu'ils auront fait, il sçait tout.